

Demokraatit & Siumut
suleqatigiinnissamut isumaqatigiissutaat



Piffissami qinigaaffimmi
2025 – 2029



KOMMUNE KUJALLEQ

Kommune Kujallermi Demokraatit aamma Siumut suleqatigiinnissamut isumaqatigiissutaat

Aallaqqaasiut

Kommune Kujalliup patajaatsumik iliuuseqarluarsinnaanermillu qulakkeerinnittumik aqunneqarnissaa Demokraatit Siumut-lu suleqatigiinnissamut isumaqatigiissutaani matumani siunertaavoq. Kommuni aningaasatigut aaqqissuussaaniikkullu annertuumik ilungersunartorsiormat akisussaassuseqartumik aqutsinikkut, pisariillisaanikkut aamma inuussutissarsiortunik innuttaasunillu suleqateqarnikkut aaqqiinissatsinnut pisussaaffeqarpugut.

1. Aningaasaqarnikkut pilersitseqqinneq, aqutsineq pisortallu suliaasaqarfia

Kommune Kujalleq ilungersunartumik aningaasaqarnikkut ajornartorsiortoq, tamatumalu kingunerisaanik erseqqissunik piunasaqaateqarluni anguniagaqarlunilu aqutsinissaq pisariaqarpoq. Uagut:

- Inatsisunik eqqortitsilluni kommunip ingerlanneqarnissaa qulakkeerusupparput.
- Kommunimi atorfinni qaffasinnerpaani atorfinitsitsisoqassatillugu sulisussarsiormi ingerlatsiviit suleqatiginerisigut sulisussarsiortoqartassaaq, tassanilu atorfiit inunnit piginnaasalinnit inuttalerneqartarnissaat qulakkeerneqassaaq. Ukiut tamaasa suliaasaqarfinnut tamanut angusassatut isumaqatigiissusiortoqartassaaq, tassani aqutsisut anguniagaat politikikkullu anguniakkat eqqarsaatigineqartassapput.
- Sulisunik piginnaanilinnik, akisussaassuseqartumik eqqoqqissaartumillu aningaasaqarnermik aqutsinnaasunik kommunimi aqutsisut nukittorsarusuppavut.
- Ammasuunikkut aqutsilluarnikkllu kukknersuisup oqaaseqaatai nungusarusuppavut.
- Allaffissornermik pitsanngorsaanissaq anguniarlugu kommunimi sutigut tamatigut ingerlatsineri silassorissuusiap atornerqarnissaanut periarfissat misissorneqassapput.
- Kommunimi aningaasaqarnikkut ajornartorsiutit aallaavippiaat eqqarsaatigalugit iternga tikillugu paasinarneqassapput, naatsorsuutit matuneqassapput qaammatillu pingasukkaarlugit missingersuutit malitseqartinneqartassapput aamma qaammatit tamaasa ingerlatsivinni tamani nakkutilliisoqartassaaq.
- Ataatsimoortumik tapiissutinik isumaqatiginninniarnit misissorneqassapput, taamaalillutik Namminersorlutik Oqartussat inatsisaat aqutugalugu aningaasartuutit eqqarsaatigalugit sullissinerit kommunimit suliarineqartussatut suliaqutiginartut kommunimik ingerlatsinissamut naapertuutissapput.
- Innutaasut sullinneqarneqarnissaminut piunasaat akiliutiginagit ukiuni tallimani tulliuutuni kommunimi tamarmi suut sipaarfigineqarnissaannut tunngatillugu pivusorsiortumik pilersarusiortoqassaaq. Taamaammat missingersuutissanik isumaqatiginninniarnit tulliuutuni suliffeqarfimmi tamarmi sulisut amerlassusissaat peqqissaartumik misissorneqassapput.
- Kommunip taarsigassarsineratigut suliniutit aningaasalersorneqarnissaat sulissutigineqassaaq, taamaalilluta sanaartugassatut pilersaarutit sanaartornissamullu pilersaarutit ineriartornissaat qulakkiissavarpugut.

- Kommunimi tamarmi sapinngisamik pitsaanerpaamik sullissinissaq qulakkeerniarlugu pisortat namminersortullu suleqatigiinnissaannik (OPS) qitiutitserusuppugut. Tamanna ilaatigut Qaqortumi illoqarfiup busiinut mittarfiup tungaanut sullissisarsinnaanissaanut aamma atuuppoq.
- Pisortat ikiorsiissutaannik tunniussisarnermut ataatsimut suliassanik naammassinnittarnissaq pilugu Naalackersuisunik suleqateqarusuppugut. Tamanna allaffissornitta tatineqarneranut oqilisaataassaaq aamma suut tamaasa inatsisit malillugit suliarineqartarnissaannik piffissallu eqqortut tunniunneqartarnissaannik qulakkeerinnissaaq.
- Kommunip suliffittut kajungernartuunissaa anguniarlugu sulinermi avatangiisinut politikkiliorusuppugut suliassa qarfinilu tamani atugarissaarnermik qitiutitserusuppugut.
- Ilisimatusarfimmi ilinniartunik kommunimi unammilligassat pillugit aggerlutik immikkut ilisimatusarusuttunik allaaserinninnermullu atatillugu aaqqiissutissatut siunnersuusiorsinnaasunik qanimut suleqateqarusuppugut.
- Nunani Avannarlerni illoqarfittut ikinngutit pisoqqat nutaallu timersornerup, piorsarsimassutsip inuussutissarsiornermilu ineriartornerup tungaatigut avitseqatigisinnaasavut suleqatigilerusuppavut.

2. Inuussutissarsiortunik ineriartortitsineq suliffissanillu pilersitsineq

Kommunimi siuariartorneq ineriartornerlu qulakkeerumallugit kommunimut iluarseeqqinnissamut pilersaarut pillugu inuussutissarsiortunik qanimut suleqateqarnissarput anguniarusupparput. Uagut:

- Suliffeqarfinnik akimmisaartitsinata tapersersuerusuppugut, taamaalillutik taakku suliffissanik pilersitsisinnaaniassammata akileraarutitigullu isertitaqaataallutik. Tassunga ilanngullugit teknikkimut ingerlatsiviup pimoorussilluni torersaanissaanik aammalu nunaminertanik inuussutissarsiorfiusunik, matumani nunaminertamik atugassiisarnerup tungaatigut sukaterinissamik qulakkeerinnineq.
- Kommunip allaffissorneranik pisariillisaarusuppugut, taamaalillutik sipaarutit innuttaasunik pitsaanerumik sullissinissamut iluaqutaaniassammata.
- Nunaminertanik inuussutissarsiorfiusunik, sanaartorfigissaarnermik mittarfittaassamut atatillugu inuussutissarsiortunik ineriartortitsinissamut erseqqissumik periusissiorinissamik qulakkeerinnikkusuppugut, tassunga ilanngullugu Qaqortumi imeqarfinnut killeqarfinnik nalilersuinermik pingaarnersuineq.
- Inuussutissarsiortunik qanimut suleqatiginninnermik qulakkeerinnittussamik inuussutissarsiornermi ataqatigiissaarisumik atorfinitsitsisoqassaaq. Kommunimi tamarmi suliniutinut assigiinngitsunut aningaasaliinissamut periarfissat misissussavavut, taamaammat suliniutinut kommunimut attuumassuteqartunut aningaasaliinissamut periarfissanik qulaajaanermik sulissutiginnittussamik aningaasassarsiortartussamik atorfinitsitsinissaq pisariaqarpoq.
- Piffissami qinigaaffiusumi kommunip tungaaniit inuussutissarsiutinik siuarsaanermi sunik suliniuteqartoqarnissaanik tunngavissiisussamik Inuussutissarsiorneq pillugu ataatsimeersuartitsisoqarnissaa suleqatigiinnissamut isumaqatigiissutitigut kissaatigineqarpoq.
- ISG-mik kiffartuussinermut isumaqatigiissut isumaqatiginninniutigineqaqqissaaq, innuttaasunik peqataatitsinissaq takussaannissarlu pingaarnertut

naleqartinneqassapput, ISG politikkimut tunngassuteqassanngilaq aamma kujataani tamarmi kommunip, inuussutissarsiortut ISG-llu akornanni illuatungeriit pingasut isumaqatigiissuteqarnissaannut tunngavissiisussamik inuussutissarsiorderup takornariaqarnerullu ineriartortinnissaannut pilersaarutissatut siunnersuuteqassaaq.

- Sulisinnaasunik amerlanerusunik piunasaqarneq akuersaarlugu, ilaatigut aatsitassarsiorderfiup Tanbreezip ammarneranut atatillugu kommunimi sulisinnaasunik pikkorissunik arlalinnik kajungilersitsinikkut.
- Aalisarnermik pingaarnersiuerusuppugut. Nipisanut pisassiissutit amerlineqarnissaat pillugu kommunalbestyrelsi siullertut Naalakkersuisunut saaffiginnissaaq, tassami siorna maani sikorsuaqarnerata kingunerisaanik maannakkut pisassiissutit taama amerlassuseqarmata. Tamanna pillugu aalisartut ukioq manna pillarneqassanngillat. Taamatuttaaq tunisassiorfinni maannakkut suliffissat aalisarneq pillugu inatsimmit nutaamit pitsaanngitsumik sunnerneqannginnissat qulakkeerneqassaaq.
- Najukkami aalisartut suleqatiginerisigut aalisarnerup iluani periarfissat pillugit aalisarnermik ingerlataqartunik oqaloqateqarneq aallarnerneqassaaq.
- Najukkami inuiaqatigiit eqqarsaatigalugit piujuartitsinermik tunngaveqarluni takornariartitsisarnissaq qitiutikkusupparput. Kujataa Kalaallit Nunaanni umiarsuarnit takornariartaatinit tikinneqarnerpaasarpoq. Tamanna sapinngisamik pitsaanerpaamik atorluassavarput, aammali piffissami ulapaarfiusumi nunap immikkoortua tamaat artukkissanngilarput. Ilaasumut ataatsimut akitsuut 100 kr.-nngortinneqassaaq.
- Paaqqinnittarfinni aamma ulloq unnuarlu neqeroorutini suliatigut aningaasaqarnikkullu iluaqutaasumik misilittakkatigut piginnaasaqarnermut allagartaqartoqarsinnaalernissaa sulissutigerusupparput. Tamatuttaaq sulisut ilinniarsimasut amigaataanerujartuinnarnerat iliuuseqarfiginiarlugu najugaq qimannagu perorsaasunngorniarluni ilinniarnep periarfissaaleqqinnissaa pillugu Naalakkersuisunut saaffiginnittoqarnissaa suleqatigiinnissamut isumaqatigiissutitigut anguniarneqarpoq.
- Sulinerup tamatigut ornigitartuunissaanik qulakkeerinikkusuppugut. Tamanna aamma inuusuttunut atuuppoq. Inuusuttut amerlanerusut sunngiffimmi suliffeqarnissaannut tunngatillugu suliffeqarfiit amerlanerusut inissaqartitsinissaannik sulissuteqassaaq. Taamatuttaaq inuusuttut tamarmik suli 30-liisimangitsut arlaatigut sulinissat ilinniagaqarnissaannullu kajumissaarneqarnissat suleqatigiinnissamut isumaqatigiissutitigut anguniarneqarpoq.

3. Meeqqat, ilaqutariit isumaginnikkullu pinaveersaartitsineq

Meeqqat ilaqutariillu Kommune Kujallermi atugarissaarnissamut pitsaanerpaanik periarfissaqassapput. Taamaammat uagut:

- Meeraaqqerivinni meeqqerivinnilu naammattumik inissaqartitsinissamik kiisalu angajoqqaat inuussutissarsiortullu suleqatiginerisigut meeqqat atuarfiata ingerlalluarnissaa qulakkeerusupparput. Meeqqanut inissatigut atugassarititaasut pitsanngorsarniarlugit paaqqinnittarfinnik nutarterinissamik pingaarnersiuerusuppugut taamaammallu nutarterinissamut nutaanillu paaqqinnittarfinnik ammaanissamut pingaarnersiulluni

pilersaarusiortoqassaaq, taamaalilluta ilaqutariit meerartallit kommunimut uterlutik nuunnarlutik aalajangertut amerlanerujussuit tigusinnaalissavavut. Taamatuttaaq meeqqanut paaqqinnittarfimmik namminersortumik aallartitsinissamut periarfissanut tunngaviliissaagut.

- Illoqarfimmi paarsivinni aqutsisut angajoqqaallu sinniisaat qanimut suleqatigineqassapput, taamaalilluta meeqqat ineriartornissamut piunasaasa kissaataasalu tikilluaqquneqarnissaat tamatigut qulakkeersinnaaniassagatsigit.
- Meeqqat paaqqinnittarfinniittut iluamik nerisaqarnissaat nangillu akeqarunnaaqqinnissaat qulakkeerusuppavut. Meeqqat kommunip ulluunerani paaqqinnittarfiiniittut assigiimmik pineqarnissaat suleqatigiinnissamut isumaqatigiissuteqarnermi pingaartinneqarpoq, angajoqqaat nanginik nerisassanillu pisinissaminut akissakinnerunerat pissutigalugu ajornerusumik inissineqassanngillat.
- Isumaginnittoqarfimmut ukiumoortumik anguniagaqarnissamut tunngaviliisunik pingaarnertut isumaginninnikkut politikkilliorusuppugut.
- Siusissukkut iliuuseqarnikkut suliaqarnikkut suliaqarnikkut angerlarsimaffiup avataanut inissiisarnarit ikilisikkusuppavut. Taamaammat ilaqutariinni aqutissioqatigiinnerup pingaarnersiorneqarnissaa tamanullu periarfissaanissaa suleqatigiinnissamut isumaqatigiissuteqarnikkut suliniutigineqarusuppoq.
- Hashimik atonerluinermik akiuniarneq inuuniarnikkullu ilungersunartorsiornerit allat pillugit politiit, peqqinnissaqarfiup, kommunip Allorfiullu akornanni pitsaanerusumik suleqatigiinnermik pilersitserusuppugut.
- Illoqarfimmi nunaqarfinnilu tamani meeqqanut inuusuttunullu tunngatillugu sammisaqartitsisarnermik pinaveersaartitsinermillu qitiutitserusuppugut.
- Sapaatit akunnerisa naaneranni imigassartaqanngitsumik pitsaanerusumik ilaqutariittut inuuneqarnissaa anguniarlugu sammisaqartitsisarnissaaq pillugu najukkami peqatigiiffinnik kajumissutsiminnik sulisunik qanimut suleqateqarusuppugut,
- Kujataani nammineq kulturertut malillugu meeqqat atuarfiannik aaqqissuusertusuppugut, tassani ilaatigut qaqugukkut atuannigfeqartoqarsinnaanersoq misissorusupparput, taamaalillutik meeqqat inuusuttullu savaatillit katersineranni toqoraanerannilu peqataasinnaassapput. Eqqarsartaatsikkut peqqissuseq atugarissaarnerlu qitiutinneqassapput inuusutissarsiortullu peqataatinneqarnerujussuussapput. Savaatillit meerartaat meeqqallu nunaqarfinneersut toqqissisimanartumi, peqqinnartumi eqqissisimanartumilu atuartunut angerlarsimaffeqartinneqassapput, taamaalillutik angerlarsimaffitsik qimallugu sapinngisamik pitsaanerpaamik atugassaqartitaallutik atuariartorsinnaaniassammata.
- IMAK-ip innersuussutai aallaavigalugit atuarfeqarnermut politikkilliorusuppugut.
- Siusissukkut iliuuseqarnermik qitiutitsilluni kommunip peqqinnissaqarfiullu pitsaanerusumik suleqatigiinnissaannik qulakkeerinnikkusuppugut, taamaalilluta maannamiit pitsaanerusumik meeqqat atugarliortut sukkanerusumik paasisinnaalissavavut ilaqutariillu ajornartorsiortut ikiorsinnaanerulissallutigit.
- Piffissami qinigaaffiusussami tulluittumi utoqqaat pillugit inatsisissamut attuumassutilimmik ilanngussaqarusuppugut. Maannamut utoqqartatsinnut atugassarititaasut pitsaanerujussuunissaannut qulakkeerinneqataasinnaavugut.

Sulinermi matumani utoqqaat tusarnaarlugillu peqataatissavavut. Utoqqaat atugarisaat suleqatigiinnissamut isumaqatigiisummi assut pingaartinneqarput. Taamaammat nammineq utoqqarnut politikkiliussaagut. Najukkami utoqqaat peqatigiiffiisa suleqatiginerisigut utoqqaat atugarisaannik ilaatigut utoqqarnut siunnersortinik pilersitsinissamik qitiutitsinissarput sulissutigerusupparput. Taamatutaaq najukkami utoqqaat illuannik sulisussaaleqinerup puigortunngortullu amerliartornerisigut ilungersuuteqartunik immikkut ittumik qitiutitsissaagut, taamaammat ilaqutariinnut puigortunngortumik qanigisalinnut puigortunngortunut siunnersortimik pissarsinissarput sulissutigissavarput.

- Inunnut innarluutilinut qanigisaannullu pitsaaneruseqatigut atugassaqaartitsinissamik qulakkeerinnikkusuppugut. Qaqortoq nunatsinni anginerpaamik innarluutilinnut najugaqarfepoq Ivaqqamik ateqartumik. Ullumikkut ilaqutariippasuit inunnut innarluutilinnut atugassarititaasunit sunnertisimapput. Angajoqqaat aningaasaqarnikkut ajornartorsiuteqarnatik ulluinnarni meeqqaminnik tapersuinerorusukkunik akissarsiatigut taarsiivigineqarsinnaanissaat pillugu suleqatigiinnissamut isumaqatigiisummi anguniakkat naammassineqarnissaannut suleqataarusuppugut.
- Kommunimi tamanut timersornermi atortut pitsaaneruseqatigut qulakkeerusuppavut. Kommunip suleqatigineratigut suliasap matuma kivinnissaanut aningaasaliiffigineqarnissamut periarfissat arlallit misissussavavut. Sapinngisamik innuttaasut tamarmik akit tungaatigut immikkoortinneqarnatik unammiarlutik aallartarnissaminut periarfissaqarniassammata timersornermut aningaasaliissaagut, taamaammat kommunimi timersornermut aningaasaliissutinut tapiisarnermut aqqissuussineq misissussavarput.
- Kulturerput illoqarfinni tamani pingaarnersiorneqassaaq, taamaammat kultuqarnermut tunngasut namminermit ingerlatsiveqarnissaat piffissallu qinigaaffiusup ingerlanerani sapaatip akunnerani kulturisiornerup atuutilerseqqinneqarnissaa kommunalbestyrelsimit anguniarneqassapput.
- Kujataamiut sineriammi najugallit angerlarteqqinnissaat allanngueqataanissarpullu anguniassavavut, taamaammat inuussutissarsiortut suleqatigalugit aqqiissutissat tamatuminnga siuarsaataasinnaasut misissorneqassapput.

4. Angallanneq nunassittarnerlu

Kommune Kujalleq innuttaasunut nutaanut kajungernartunngortinniarlugu aningaasaliiffigineqarnissaanullu kajungernartunngortinniarlugu:

- Ineqarniarnikkut atukkat pitsaanerunissaannik sulissuteqarusuppugut, tassunga ilanngullugu nuuttut nutaat maanakkullu innuttaasut inissaqarniassammata nutarterineq nutaanillu sanaartorneq.
- Mittarfittaarnerup ilutigisaanik inuussutissarsiortut ineriartorsinnaaniassammata tunngavinnik pisariaqartunik pilersitserusuppugut.
- Qaqortumi mittarfiup sapinngisamik piaartumik 1799 meterinut tallineqarnissaa pillugu Naalakkersuisut isumaqatiginiarusuppavut, taamaalilluni atortut tamaasa suli maaniinneranni piviusunngortinneqarsinnaaniassammata.
- Kommunimi tamarmi aqquserngit pitsaaneruseqatigut qanoq aserfallatsaaliorneqartassanersut misissorneqassapput, tassunga ilanngullugu OPS-

itut (pisortat namminersortullu suleqatigiinnerat) periarfissat pitsaanerunersut misissorneqassapput.

- Qaqortumi mittarfittaassaq ammarneqarpat kiffartuussinermut isumaqatigiissut innuttaasunut pitsaanerpaamik atugassaqartitsiniassammat maannakkut kiffartuussinermut isumaqatigiissummik nutarterinissaq pillugu Naalakkersuisunik sukkaasuumik oqaloqateqarnermik aallartitserusuppugut. Najukkami ingerlataqartut pissutsinik ilisimasaqarluartut qanimut suleqatigalugit innuttaasut pisariaqartitaat kissaataallu aallaavigalugit kiffartuussinermut isumaqatigiissutip nutarterneqarnissaa qulakkeerneqassaaq. Maannakkut aaqqiissutaasoq periarfissaanngilaq.
- Kujataani angallanneq ataqatigiissappat Naalakkersuisut namminersorlutillu inuussutissarsiortut suleqatiginerisigut ltiliarsummi aqcutip ammarneqarnissaa pingaaruteqarpoq, kujataani tamarmi angallanneq pitsaanerulissappat isumannaannerulissappallu tamanna pisariaqarpoq.
- Sanaartornissamut sanaartugassatullu pilersaarutit, siuariartornermik suliffissanillu pilersitsisinnaasut, aningaasaliiffigineqarnissaannut kommunip tapersersuinissaa qulakkeerusupparput. Naalakkersuisut suleqatiginerisigut Qaqortumi mittarfiup tungaanut nunagissaasoqarnissaa pingaaruteqarpoq.
- Nuupillumut aqcut Tunulliarfimmillu talittarfik piviusunngortinneqassapput, tamanna kujataata avannaatungaani angallanermik ataqatigiinnerulersitsissaaq, tunulliarfimmi tamarmi takornariaqarneq eqqarsaatigalugu aqqusineq talittarfillu isertitaqarluarnerunissamut periarfissiissapput, umiarsuarnit takornariartaatinit angallassinermut isertitaqartoqarsinnaavoq, siunissami illoqarfimmukarniarluni taamatut ingerlasoqarsinnaavoq.
- Taxanik ingerlatsisut isumaqatigiissutinik eqqortitsissapput, eqqortitsinngippata akuersissutit utertinneqassapput.
- Qaqortumi mittarfimmik ammaanermut atatillugu Qaqortoq siunissami ICAO-mut (Nunat Tamalaat silaannakkut Angallanneq pillugu Suleqatigiiffiat) angerlarsimaffiussasoq suleqatigiinnissamut isumaqatigiissutitigut kissaatigineqarpoq, taanna Naalagaaffiit Peqatigiit immikkoortortaraat Kalaalit Nunaanni silaannakkut angallaffiusumik nakkutilliisuusooq.
- Nukissiutunik mingutsitsinngitsumik atuineq pimoorukkusupparput. Taamaammat Kujataani erngup nukinganik nukissioffita allilerneqarnissaata pilersaarusiornissaa piffissamullu pilersaarusiortoqarnissaa kiisalu piffissami qinigaaffiusumi tulliuuttumi qaqugu taakku pinissaannut tunngatillugu kommuni anguniagaqassaaq.
- Ineqarniarnikkut imminut pilersornissap tamatigut kajungernartuunissaanik qulakkeerinikkusuppugut. Kommuni inissianik nutarsaanissamut aqqqissussaasumik pilersaarusiornermi peqataassaaq, tassunga ilanngullugit ukiut tamaasa oqummut misissuisarnek najukkamilu sanasut annerusumik sanaartornermi sanaartugassanilu suliassani peqataatinneqartarnissaat.
- Aatsitassarsiorfimmik ammaanerup malitsigisaanik sulisussarsiornermik pisariaqartitsinerulertoqartussaana matussuserniarlugu Nanortalimmi mittarfittaarsinnaanermut mittarfiullu tungaanut aqcutitaarsinnaanermut tunngatillugu pilersaarusiornermik aallartitsinissaq suleqatigiinnissamut isumaqatigiissutitigut kissaatigineqarpoq. Aatsitassarsiorfiit ingerlataqartullu allat suleqatiginerisigut aningaasaliinissamut periarfissat misissorneqassapput.
- Illoqarfinni tamani utaqqisarfinnik perusuersartarfinnillu pilersitsisoqarnissaa sulissutigerusupparput.

- ESANI A/S-imik suleqateqarnerput nalilersorusupparput kujataanilu tamarni eqqaavilerinerup pitsaanerpaalernissaa ilungersuutigalugu sulissutigerusupparput.

Kommunip allangortiterneqarsinnaanera

Kommunip allangortiterneqarsinnaanera pillugu inoqarfinni tamani innuttaasut isumaasa tusarneqarnissaat anguniarlugu taakku peqataatinneqassapput. Tamatuma saniatigut kommunip allangortiterneqarsinnaanera pillugu periarfissanik kingunerluutaasinnaasunillu aallussisussanik soqutigisaqartunik attuumassutilinnik suleqatigiissitaliortoqassaaq. Kommunip 2008-mi allangortiterneqarnerani aallaqqaammut pilersaarutaasimasoq suliniutillu taamanikkut akuersissutigineqarsimasut naammassineqarsimanersut malitseqartinniarlugit suleqatigiissitanit misissorneqassapput.

Narsaq

Narsaq Nunatta nerisassaateqarfiatut periarfissaqarpoq, taamaammat tamatumunnga naapertuuttumik ineriartortitsinissamut ataqatigiissumik pilersaarusiornissaq sulissutigissavarput.

Inuili, Neqi A/S, ISG, misileraavik, savaatilingorniat ilinniarfiat, inuussutissarsiortut meeqqallu atuarfiat suliami matumani peqataatinneqassapput, taamaalilluta illoqarfimmik ineriartortitsinissarput qulakkeersinnaavarput.

Nanortalik

Nanortalik takornarianut takorniarfissaqqippoq umiarsuarnilu takornariartaatini ilaasunik sullissiffissaqqilluni, taamaammat inuussutissarsiortut suleqatiginerisigut ineriartortitsissaagut kiisalu umiarsuarnut takornariartaatinut akitsuut kommunimut akilerneqartartup agguarneqassaa isumagissavarput. Nanortaliup siunissami ilinniarfeqarfiunissaa aamma Kujataani aatsitassarsiorfissanik nutaanik ammaanermut ingerlatsinermullu atatillugu aatsitassarsiortunik sullissisussanut piukkunnaatilinnut angerlarsimaffiunissaa suleqatigiinnissamut isumaqatigiissummi anguniarneqarput. Tunngavissat pitsaasut ilinniartitsilluarnissamut pisariaqarput, taamaammat Nanortalimmi meeqqat atuarfianut atugassarititaasut iliuuseqarfigineqarnissaat pingaarnersiorusuppavut.

Qaqortoq

Kujataanut tamarmut sunniiviginnittassaaq naleqartitallu kujataani tamarmi ataatsimut atugarissaarnitsinnut tunngaviliissapput.

Inuussutissarsiortut nukittuumik inissisimanissaat tigulluarneqarnissaallu pisariaqarpoq, taamaalilluta Kujataani meeqqanut, innarluutilinnut, utoqqarnut inunnullu ikiorneqarnissamik pisariaqartitsisunut pitsaanerusunik atugassaqartitsinissamut tunngaviliisussat aallartissinnaalissavavut.

Inuussutissarsiutillit nukittuumik inissisimappata inuiaqatigiit nukittunerussapput.

Siuariartortoqassaaq isumalluutillu pioreersut minningorlugit aggorneqassanngilat, Kujataa aningaasaqarnikkut ajornartorsiorunnaassappat, innuttaasut tamarmik ilungersorlutik sulinissaat pisariaqarpoq.

Narsarsuaq

Qaqortumi mittarfimmik ammaanermut atatillugu Narsarsuup siunissami qanoq ineriartortinneqarnissaanut tunngatillugu isummertoqassaaq.

Nunaqarfimmi qaammataasat ingerlaarfiannut raketmotorinik silaannarmut aallartitsisoqartarsinnaanera eqqartorneqarsimavoq. Suleqatigiissitat pioreersut Narsarsuup siunissaanik pilersarusiortut qanimut suleqatiginerisigut Narsarsuarmi periarfissaasinnaasut tamaasa misissussavavut. Qaqortumi mittarfiliortoqarnerata nalaani Narsarsuup kujataani nunanit tamalaanit isaaviuinnarnissaata pingaaruteqarnera qularnanngilaq.

Nunaqarfiit

Kujataani nunaqarfimmi tamani avatangiisinik eqqiluisaarnermillu qitiutitsinissaq suleqatigiinnissamut isumaqatigiissutitigut kissaatigineqarpoq, nunaqarfiit illoqarfittulli minguitsigissapput tamannalu pisortat namminersortullu suleqatigiinnerisigut taamaallaat pisinnaavoq.

Talittarfiit umiarsualiviillu ullutsinnut naleqquttuussapput aamma innuttaasut takornariallu angallannissaannut isumannaatsuussapput, taamaammat innuttaasunik nunaqarfimmi aqutsisut peqataatinnerisigut nunaqarfimmi talittarfiit tamarmik nutarsarneqarnissaannut aserfallatsaaliorneqarnissaannullu tunngatillugu Naalackersuisut suleqatigalugit pilersarusiortoqassaaq. Nunaqarfiit iluani paaqqinnittarfeqanngitsuni angerlarsimaffimmi paarsisartoqarsinnaaneq periarfissa misissorneqassapput.

Nunaqarfimmi aqutsisut 11-t tamarmik pitsaannerusumik sullinneqarnissaat kommunimilu ingerlatsivimmut ataatsimut attaveqarnissaat missingersuutillu isumaqatigiinniutigineqarneranni peqataanissaat qulakkeerneqassapput. Kujataani nunaqarfimmut periusissiaq pioreersoq nunaqarfimmi aqutsisut suleqatiginerisigut nalilersorneqassaaq.

Savaatillit

Kujataani savaateqarnermik inuussutissarsiuteqarnek kulturitsinut naleqartitatinullu pingaarutilittut ilaalluinnarpoq, kinguaariit nutaat nutaaliornermi eqimattat iluaqutigalugit ISG-ip suleqatigineratigut savaatillit ataasiakkaat Kujataani inuussutissanik tunisassiornermi imminut pilersorsinnaanerulernissaannut attuumassuteqartumik ineriartortitsinissamut pilersarusiussapput. Savaatilinnut savaatillillu akornanni angallannerup qanoq pitsanngorsarneqarsinnaanerat pillugu pisariaqartinneqartut kommunimit qulaajarneqassapput.

Inerniliineq

Suleqatigiinnissamut isumaqatigiissut manna Kommune Kujallermi Demokraatit Siumullu pisussaaffeqartumik suleqatigiinnissaannut tunngaviliivoq.

Kommunip akisussaassuseqarlunilu iliuuseqarsinnaassuseqarluarnissaa ataatsimut takorloorparput, tassani aningaasaqarnikkut pilersitseqqinneq, inuussutissarsiutinik ineriartortitsineq, inuuniarnikkut atukkanik pitsanngorsaaneq angallannerlu pitsaannerusoq innuttaasut tamarmik siunissaannut pitsaanerulersitsisinnaassapput.

Naammassiniagaqarnermik siunnerfeqarnissaq malitseqartitsarnissarlu suleqatigiinnissamut isumaqatigiissutitigut kissaatigineqarput, anguniakkavut uagutsinnut qinikkanut, ingerlatsinissatsinnut, Naalackersuisunut, inuussutissarsiortunut innuttaasunullu pisussaaffiliipput. Angusat takussagutsigit ilungersorluni siunnerfeqarlunilu sulisoqassaaq, taamaammat kommuni pilerseqqinniarlugu tamakkiisumik sulisunik takussaasi.

Tamanut iluaqutaasumik ataatsimoorluta allannguissaagut Kommune Kujallermillu ineriartortitsilluta.

Demokraatit


Malene Vahl Rasmussen

Siumut


Anders Olsen